

Այդ ժամանակ, Յրդ գնդի մէկ հարիւրեակը փոխ-գնդ. Մանեանի հրամանատարութեամբ հասաւ Հայրում և հրաման ստացաւ ձոնկանի զօրախումբը ուժեղացնելու նպատակով 60 հոգի հետախոյզներ ուղարկել ձոնկան, փոխ-գլխ. Պետրոսեանի տրամադրութեան տակ, իսկ մնացած ուժերով անցնել յարձակման ու գրաւել Լամբալու գիւղը՝ Հայրումում թողնելով սպահետի մի վաշտ:

Դեկտ. 20-ին տեղի ունեցան յամառ և արիւնահեղ կռիւներ: Կուռօ Թարխանեանի հարիւրեակը մի կողմ շարտելով թշնամուն՝ գրաւեց Շուլաւերը: Իսկ նոյն ժամանակ, հազարից աւելի վրացիներ, զրահապատ գնացքի աջակցութեամբ, համախմբուած էին Սաղախլուի շրջանում:

Շուլաւեր—Սաղախլուի շրջանում գործող վրաց ուժերի մի մասը մի կողմ քաշելու նպատակով՝ Դրօն հրամայեց գնդ. Տէր-Նիկողոսեանին, դեկտ. 21-ին, 1 գումարտակ ու 2 թնդանօթ թողնել Մեծ-Դումանիսում, իսկ մնացած ուժերով շարժւել Արախլուի վրա: Սկսեց տաք կռիւ: Մերոնք յարձակում էին անվերջ, վրացիները յուսահատական դիմադրութիւն էին ցոյց տալիս: Գլխ. Մնացականեանի Շուլաւերի զօրամասը կուռի բռնեց Թիֆլիսից նոր հասած վրացական թարմ ուժերի հետ: Մերոնք քանդեցին Սաղախլու—Մամայ երկաթուղազիծը՝ կտրելով վրաց զրահապատի նահանջի ճանապարհը: Կուռօ Թարխանեանը յանդուզն յարձակումներ գործելով Աչաղա—Սալախլու ուղղութեամբ՝ գրաւեց մի թնդանօթ և մի գնդացի: Այդ կուռում վիրաւորեց ինքը՝ Թարխանեանը և սպանեց նրա ձիաւորներից մէկը:

Ճակատամարտը Սաղախլուի մօտ շարունակեց անընդհատ: Վրացիները համարեա շրջապատւած էին և գրաւում էին միայն կայարանը, գիւղը և արեւմտեան բարձունքը: Դեկտ. 22-ին, հակառակ թշնամու հրացանի ու գնդացիների մրրկայոց կրակի, ձոնկանի զօրախումբը փոխ-գլխ. Պետրոսեանի գլխաւորութեամբ, արհամարհելով գնդակների տեղատարափը, շարժեց Սաղախլուի վրա և յամառ ու երկարատև կուռից յետոյ գրաւեց կայարանն ու գիւղի հարաւային մասը, բայց օգնական ուժեր չստանալով՝ վրացիների հակաշարժակման ու թեւից սպառնացող վտանգի տակ՝ քաշեց նախկին դիրքերը՝ տալով մօտ 40 զոհեր: Փոխ-գլխ. Պետրոսեանը գրաւեց 2702 բարձունքը, փոխ-գնդ. Կորուկովը՝ Դամիան, գլխ. Մնացականեանը՝ Շուլաւերը, փոխ-գնդ. Մանիեանը՝ Քերփիլի—2660 բարձունք գիծը: Վրացիները շարունակում էին նոր ուժեր բերել ու կենտրոնացնել Բոլնիս—Սաչէնի մօտ:

Դեկտ. 23-ին մեր ուժերը վերադասաւորեցին՝ նորից յարձակման անցնելու համար: Եւ նոյն օրը, երկարատև ու բուռն ճակատամարտից յետոյ, 4րդ գնդի 12 վաշտերը, փոխ-գլխ. Ասլանեանի հրամանատարութեան տակ, գրաւեցին Սաղախլուն: Մերոնց ձեռքը գերի ընկան 6 սպայ, 126 զինւոր, 2 կովարի գնդացի, աւելի քան 100 վագոն պարէն, ռազմամթերք ու փամփուշտ, 3 շոգեշարժ և ուրիշ պաշարեղէն: Մեր կորուստներն էին. փոխ-գլխ. Ալեքսանդրովը վիրաւոր, 7 զինւոր սպանւած և 11 վիրաւոր: